



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

§.V. Ad quid teneantur Episcopi, qui vocati ad Concilium Provinciale venire  
nequenunt.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

coporum Comprovincialium. 3. Concilium *Calcedonense* illud vocat Concilium Episcoporum. 4. *Martin Brach.* Concilium *Antiochenum* referens, licet suo Sacculo accommodet, suos tamen Episcopos, inter vocandos ad Concilia Provincialia, annumerat. 5. Synodus VII. monens Patres Concilii Provincialis, quid agere debeant, dum celebratur, solos nominat Episcopos. 6. *Concil. Later.* injungens Metropolitani, ut Concilia celebrent Provincialia, his verbis exprimit quod jubet: *Metropolitanum cum Suffraganeis suis non omittant Concilia Provincialia celebrare.*

Oppones contra primam probationem; citatum *Concil. Later.* Synodum Dicecesanam vocare, Synodum *Episcopalem* . . . sed respondeatur: Concilium vocari possit *Episcopale*, vel ab Episcopo convocante, vel ab Episcopis convocatis, illudque componentibus: Synodum autem Dicecesanum à *Concil. Later.* vocari *Episcopalem*, primo modo; Concilium verò Provincialia, *Episcopale* nuncupari à S. LEONE, secundo modo: idque quia, si à convocante denominaret illud, Concilium Archiepiscopale vocitaret.

Oppones iterum contra omnes, Concilium Tridentinum insinuare, alios quād Episcopos vocandos, ut *Judices*, ad Concilium Provincialia; cūm jubeat, ut, non solum Episcopi, sed & alii, qui de jure, vel consuetudine, interesse debent, eidem interfint . . . Verū, respondeatur: alios ab Episcopis, qui Concilio isti interesse debent, non interesse, ut *judices*, ut docet Concilium *Burdigal.* BOCHEL. Lib. V. Tit. ult. C. 6. 1582. quod, sicut & alia ejusdem temporis, celebratum est ad exequendum Concilii *Tridentini* Decretum, circā Concilia Provincialia, quodque ideo audiendum est, ut optimus hujus loci oppositi interpres.

Secunda & tertia Regule pars patet: 1. Ex C. 4. DIST. xviii. ubi Concilium *Antiochenum* dicit: Presbyteros, Diaconos praesentes esse Concilio Provinciali, & omnes qui existimant se laicos, Synodam expectare Sententiam. 2. Ex Cap. 46. CAUS. xi. QUÆST. i. in quo Clericus habens causam contra Episcopum, in Concilio Provinciali, judicandus dicitur: 3. Ex Cap. 2. 4. 5. 30. 35. CAUS. xi. QUÆST. iii. ubi legitur, conquerentem de Episcopo, Synodum Provincialia debere interpellare. 4. Ex Cap. 6. 7. CAUS. xi. QUÆST. iii. ubi Episcopus, in Synodo depositus, restitutus in alia Synodo vetatur, si divina ante restitutionem, præsumperit celebrare. 5. Ex Cap. 43. CAUS. xi. QUÆST. iii. ubi sine distinctione, excommunicat in Concilia delinquentes, tribus Caffibus, quorum primus est eorum, qui vocati nolunt venire; 2. illorum, qui venientes, obedere nolunt. 3. Horum, qui, ante finitam causam suam examinationem, abeunt.

## REGULA II.

Ad Concilium Provincialia vocanda sunt Capitula Ecclesiarum Cathedralium, tam ut iura sua defendant, quam, ut Episcopos suis juvent consiliis in decisionibus. C. 10. de his, que sunt à Pralat. &c.

Hoc Caput non est *Innocentii III.* sed *Honorii III.* vide *CIRONIUM* in illud.

## §. IV.

Quæ cause à veniendo ad Concilium Provincialia vocatos eximant.

## REGULA I.

Cause omnes, quæ, à veniendo ad Concilium vocatos, eximunt, reducuntur ad Impotentiam, vel absolutam, vel moralem. C. 5. IO. DIST. xviii.

RATIO. Sunt quatuor tantum hujusmodi cause, nempe.

1. *Etas.* C. 10. ead. DIST.
2. *Agritudo.* ibid.
3. Gravior necessitas, qualis, quæ quis in captivitate, vel in carcere detinetur. ibid. C. 9. 13. ead. DIST.

4. Transfretandi periculum, aliudve simile, quale nasci potest ex inobservantia Regiae præceptionis, id expresse, vel tacite vetantis. C. 2. SESS. xxiv. C. 13. DIST. xviii.

Prima autem, secunda, & quarta harum causarum reducuntur ad Impotentiam Moralem, qualis est eorum, qui aliquid facere non possunt sine gravi vita periculo, cui se objicere non tenentur. Hæc Impotentia moralis dicitur, quia non est re, sed prudenti hominum opinione, esse judicatur. Tertia verò ad Impotentiam Absolutam, quæ intellegitur ea, quæ est in his, qui rem aliquam nequam facere possunt.

## §. V.

*Ad quid teneantur Episcopi, qui vocati ad Concilium Provincialia venire nequeunt?*

## REGULA UNICA.

Duo tantum, circā illud, Jus Canonicum præcipit,

1. Ut excusationes suas litteratoriè conscribant. C. 10. DIST. xviii.
2. Ut mittant Legatum, suscepturnum quidquid Concilium statuerit. C. 9. ead. DIST. C. 3. CAUS. v. QUÆST. iv.

## §. VI.

*Quæ pœna Episcoporum ad Concilium Provincialia venire nolentium?*

## REGULA I.

In hujusmodi Episcopos, una tantum in Corpore Juris Canonici exprimitur pœna; nempe, exclusio à Comprovincialium Communione, usque ad futurum Concilium, in quo non recipiuntur, nisi fuerint prius absoluti: alia verò indigitur.

Prima Partis RATIO est: è Canonibus in Corpus Juris inclusis, soli Canones 10. 12. 13. 14. DIST. xviii. meminere pœnæ, in Episcopos, Concilio adesse injustè nolentes, præscripta: Pœna aurem, quam exprimit, est ea sola, de quibus *Regula*. Nota obiter, circā hanc pœnam 1. Illam esse Excommunicationem partiale, quæ, Episcopo reo, Communionem suæ Ecclesiæ relinquens, aliarum Ecclesiarum ejusdem ac suæ Provinciæ, Communione privabat.

2. Hanc Excommunicationem esse late sententia, ut hac locutione patet, alienum à frarum Communione se agnoscat: quæ indicat Censuram latæ Sententia.

3. Inusitatum esse nunc hoc Excommunicationis genus, nisi inter innovatos à Concilio Tridentino, circā hanc rem, Canones citati includantur; quo casu erit usitatum, quoad legem, sed inusitatum, quoad executionem; cūm Decretum Concilii Tridentini proindéque pœnæ, quibus munitur, non sit in usu: hoc enim ævo: duo tantum noscuntur Excommunicationum genera; nempe Excommunicatio Minor, quæ Sacrorum participatione privat, & Excommunicatio Major, quæ ab omni Communione Sacra excludit, insuperque simul & civili magna ex parte.

Secundæ Partis RATIO: Inter innovatos à Concilio Tridentino Canones, circā vocatos ad Concilium